



## **LAPORAN LIPUTAN MEDIA**

**ISNIN / 23 OKTOBER 2023**

- 1. 'SALUR TERUS SUBSIDI BENIH PADI KEPADA PESAWAH' – BERITA HARIAN**
- 2. BERAS TEMPATAN MASIH KURANG DI PASARAN – BERITA HARIAN**

**DISEDIAKAN OLEH:**

**CAWANGAN KOMUNIKASI KORPORAT (MADA)**

**KERATAN AKHBAR : BERITA HARIAN**  
**TARIKH : 23 OKTOBER 2023**  
**PERKARA : ISU SEMASA**

## 'Salur terus subsidi benih padi kepada pesawah'

**Alor Setar:** Badan Bertindak Pertanian Lembaga Kemajuan Pertanian Muda (MADA) mendakwa isu kelewatan agihan benih padi yang berlarutan sejak sekian lama berpunca daripada manipulasi pihak pengeluar benih padi sah (BPS) yang menunggu subsidi daripada kerajaan.

Sehubungan itu, pengerusi badan bertindak, Che Ani Mat Zain, berkata kerajaan digesa menyalurkan subsidi BPS terus kepada pesawah bagi mengatasi isu berkenaan.

Katanya, pengeluar akan menahan bekalan BPS yang seharusnya diterima pesawah mengikut jadual ditetapkan sehingga bayaran subsidi diterima mereka.

"Subsidi benih padi itu jangan diberi kepada pembekal, mereka ini hanya berebut mahukan subsidi, jadi lebih baik subsidi terus diberikan kepada petani dan kerajaan tetapkan harga silingnya.

"Saya yakin apabila subsidi BPS diterima pesawah, pembekal akan bersaing untuk keluaran benih padi lebih berkualiti dengan harga berpatutan, selain dapat diagihkan mengikut jadual tanaman," katanya ketika dihubungi *BH* semalam.

Beliau berkata demikian mengulas langkah Kementerian Pertanian dan Keterjaminan Makanan (KPKM) melaksanakan penyaluran harga kawalan maksimum baharu bagi program Insentif BPS di Semenanjung.

Menterinya, Datuk Seri Mohamad Sabu dilaporkan berkata, melalui tindakan itu harga maksimum di pintu gudang syarikat pengeluar BPS diselaraskan daripada RM31 kepada RM40 bagi setiap kampil 20 kilogram (kg).

Bagi peringkat peruncit pula, katanya, harga maksimum BPS diselaraskan daripada RM35 kepada RM45 setiap kampil 20kg.

Mengulas lanjut, Che Ani berkata, pelaksanaan bayaran subsidi terus kepada pesawah dilihat mampu memastikan bekalan BPS dapat diagihkan segera mengikut jadual musim tanaman.

Katanya, harga maksimum benih padi sah pada peringkat peruncit perlu diselaraskan daripada RM35 kepada RM45 per kampil 20kg dengan ia masih lagi berpatutan berbanding harga benih di pasaran gelap yang mencecah antara RM60 hingga RM70 per kampil.

"Isu BPS ini berlarutan sekian lama, contohnya musim kedua tahun ini pesawah sepatutnya sudah memulakan proses menabur benih padi pada 26 September lalu, namun ada pesawah tidak dapat berbuat demikian kerana tiada bekalan BPS," katanya.

**KERATAN AKHBAR : BERITA HARIAN**

**TARIKH : 23 OKTOBER 2023**

**PERKARA : ISU SEMASA**

## Beras tempatan masih kurang di pasaran

**Kuala Lumpur:** Beras putih tempatan (BPT) masih sukar didapati di pasaran sehingga kini walaupun Kementerian Pertanian dan Keterjaminan Makanan (KPKM) memutuskan akan memberi lesen borong kepada pengusaha restoran bagi membolehkan pembelian beras putih import (BPI) pada harga borong.

Perkara itu diakui Presiden Persatuan Peruncit Bumiputera, Datuk Ameer Ali Mydin yang juga Pengarah Urusan Mydin yang memaklumkan beras tempatan masih tiada di pasaran sehingga menyusahkan orang ramai.

"Walaupun kerajaan mengambill inisiatif memberi lesen borong kepada pengusaha restoran untuk memastikan rakyat dapat membeli beras putih tempatan, tetapi ia tidak berkesan menyelesaikan masalah kekurangan bekalan beras.

"Ini kerana harga beras tempatan masih murah di pasaran iaitu RM26 untuk 10 kilogram menyebabkan peniaga ma-

sih memilih untuk membeli beras berkenaan walaupun kerajaan tawarkan harga borong RM32 sekilogram.

"Jadi bagi saya, ini tidak akan dapat menyelesaikan masalah melainkan jika kerajaan membuat keputusan menaikkan harga beras putih tempatan," katanya kepada *BH*, semalam.


Sebelum ini, KPKM memutuskan akan beri lesen borong kepada pengusaha restoran bagi membolehkan mereka membeli beras import pada harga borong RM3.20 sekilogram daripada Padiberas Nasional Bhd (BERNAS).

Ia sebagai usaha jangka pendek kerajaan mengatasi masalah kekurangan beras putih tempatan susulan pengguna kurang membeli beras import yang harganya meningkat.

Mengulas lanjut, Ameer berka-

ta, tidak semua peniaga termasuk pengusaha kantin mampu membeli beras import walaupun dijual dengan harga borong.

Katanya, pengusaha kantin tidak boleh ke BERNAS semata-mata untuk membeli beras kerana akan meningkatkan kos, tambahan pula mereka bukan membeli dalam jumlah yang banyak.



Ameer Ali Mydin

"Pengusaha kantin jika ke BERNAS perlu membayar secara tunai berbanding membeli daripada pembekal sendiri yang menawarkan kemudahan pembayaran tertunda atau secara hutang.

"Namun, saya tidak nafikan idea ini bagus, tetapi memang sukar untuk direalisasikan," katanya.

Justeru, Ameer mencadangkan kerajaan menaikkan harga

beras putih tempatan, sebagai contoh RM32 untuk 10 kilogram berbanding RM26 sekarang.

Katanya, jika harga beras tempatan dinaikkan, orang ramai mungkin tidak kisah untuk membeli beras import pada harga RM40 sekilogram.

"Jika ini dapat dilaksanakan, saya yakin ia dapat menambahkan semula bekalan beras tempatan di pasaran," katanya.

Beliau turut mencadangkan kerajaan melantik syarikat lain untuk mengimport beberapa juta tan beras untuk sementara ini bagi mengatasi kekurangan bekalan.

"Cadangan ini boleh dibuat sehingga selesai atau masalah kekurangan beras tempatan dapat diatasi.

"Bagaimanapun, saya berasakan usaha ini tidak dapat menyelesaikan sepenuhnya masalah bekalan, tetapi sekurang-kurangnya membantu memastikan bekalan beras di Malaysia sentiasa ada," katanya.